

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Weissagung Etlicher falscher Calenderschreiber/ welche sich vnterstehen vnd Propheceyen dürffen die geheimnüß Gottes auszugründen vnnd ausrechnen/ auff welche zeit der Jüngste tag gewis kommen sol**

**Schoppe, Andreas**

**[Erscheinungsort nicht ermittelbar], 1597**

[Text]

[urn:nbn:de:bsz:31-248982](https://nbn-resolving.org/urn:nbn:de:bsz:31-248982)



**Warnung für den Lügengeistern / so  
die gewisse zeit des Jüngsten tages  
nennen.**

**A**ls der Teuffel vnledig vnd mit seiner list  
vnd practiken viele Menschen von der warheit  
zur lügen zuuerleiten sich höhestes vleisses bemu-  
he / ist vns Christen aus Gottes Wort vnd der  
außigen Apocrien kund vnd offenbar. Denn S. Petrus  
schreibet 1. Cap. 5. Ewer widersacher der Teuffel gehet vmb-  
her als ein Brüllender Lowe vund suchet / welchen er ver-  
schlinge. Item Apoc. 12. weh denen die auff erden wohn-  
en / vund auff dem Meer / denn der Teuffel (der die ganze  
Welt verführet) komet zu euch hinab / vnd hat einen grossen  
Zorn / vnd weis / das er wenig zeit hat.

So ist der größte hauffe der Menschen auff Erden für-  
witzig vnd lästern / als der des alten vnd von Gott geoffen-  
barten vnd erleubten / wie gut vnd heilsames immer sein  
mag / bald oberdrüssig wird / vnd etwas neues / seltsames /  
verborgen vnd verboten gemeinlich zuhaben / zuwissen  
vnd zuerfahren begert / wie das Exempel vnser ersten Eltern  
zeuget / als die an der hohen weisheit vnd erleubten fruchten  
des Paradys kein gnügen hetten / sondern noch mehr vnd hö-  
hers wissen vnd genießten / vnd also Gott gleich sein wolten  
Gen. 3.

Es klaget auch nicht allein Cleon im dritten Buch  
Thucydides / das seine mitbürger zu Achen vngereimete mei-  
nungen stets zugethane Knechte / vnd vbllicher sitten vnd leh-  
re Verechter sein / Sondern wer / durch Gottes gnade /  
E etliche

etliche jahre erlebet / vnd die sitten vnd geberde seiner Lands  
leute vnd anderer Menschen / mit denen er in der jugent umb-  
gangen / in acht hat / vnd gegen dem jetzigen zustande vnd ge-  
brauch helt / mus bekennen / das darin merckliche verende-  
rung geschehen / vnd wie der sårwitz die frommen Megde  
fast dünne gemacht / also haben viel Menschen das gute ver-  
lassen / vnd das böse vnd schedlich: in Kleidungen / wolleben  
vnd andern wesen dieses lebens erwehlet. Sonderlich aber  
klaget der heilige Geist vber die vnart der Menschen / das sie  
Gottes klare vnd heilwertiges wort verachten vnd verwerf-  
fen / vnd dargegen irrige Lehre vnd falsche Gottesdienste lie-  
ben vnd annemen / Verderbliche Secten stifften / vnd belie-  
ben / vnd also hindangesezt die warheit / der lügen anhangen /  
als 2. Thessalon. 2. schreibet S. Paulus: Des Antichrists  
ankunft geschieht durch wirkung des Satans / mit allerley  
Lügenhafftigen krefft / vnd zeichen vnd wunden / vnd mit  
allerley verführung zur vngerechtigkeit vnter denen die ver-  
lohren werden / dafür / das sie die liebe zur warheit nicht ha-  
ben angenommen / das sie selig werden / wird ihnen Gott  
krefftige irthüme senden / das sie glauben der Lügen / auff das  
gerichtet werden alle / die der warheit nicht glauben / sondern  
haben lust zur vngerechtigkeit.

Item 2. Timoth. 4. von den letzten tagen der welt :  
Es wird eine zeit sein / das sie die heilsame Lehre nicht leiden  
werden / sondern nach ihren eignen lüsten werden sie ihnen  
selbs Lehrer außladen / nach den ihnen die Ohren jücken / vnd  
werden die Ohren von der warheit wenden / vnd sich zu den  
Fabeln kehren.

Vnter dem hauffen der vorwitzigen vnd Lüstern Men-  
schen / so zur Göttlichen warheit keine beliebung tragen / son-  
dern sich dauon zur lügen vnd Fabeln kehren / rechne ich nicht  
vnbillich alle Menschen / welche sich mit der vnzeitigen / tief-  
fen /

fen vnd schweren fragen / wenn der Jüngste tag kommen werde / dermassen bekümmern / das sie das gewisse jahr / monath / woche / tag / stunde eigentlich zutreffen / genawe auszurechnen vnd vnfeilbar zunennen vnd zuuerkündigen / sich bemühen vnd rühmen. Denn in dem sie sich beflüssigen solten / Gottes wort fleißig zulernen / mit gleubigem Herzen anzunehmen / vnd darnach dem Himlischen Vater zudiene / vnd was darin vns Christen verborgen / an seinen ort zusetzen / das vnterlassen sie / vnd nemen sich des an / das ihnen zuerforsche vnd zuwissen nicht ziemet. Derwegen sie sich zufürchten haben für dem vrtail / so im 25. Capitel der Sprüche Salomonis siehet vnd also lautet: wer zuviel Honig isset / das ist nicht gut / vnd wer schwer ding forschet / dem wirds zuschweer. Item cap. 26. wenn du einen siehest / der sich weise duncket / da ist an einem Narren mehr hoffnung / denn an ihm.

Vnd damit fromme Christen lernen / das die gewisse zeit des Jüngsten tages vns sterblichen Menschen in dieser welt verborgen sey vnd bleiben werde / bis dieselbige mit gewalt herein bricht / wil ich etliche gute gründe vnd vrsachen aus der heiligen Bibel / anziehen / vnd damit / durch gnedige Regierung des Allmechtigen / deutlich vnd gnugsam darthun / das den Propheten vnd Weissagern / so die eigentliche stunde des Jüngsten Gerichts nennen / nicht zugleuben / so ferne man Gottes wort nicht wil verwerffen / vnd ein jeder diesen gründen / in Gottes furcht / weiter wird nachdencken vnd sie für vnbeueglich achten. Vnd damit ich dem Leser hierin desto mehr diene / wil ich die fundamenta meiner meinung / glaubens vnd bekentnis ordentlich nacheinander setzen vnd vnterschiedlich / mit anziehung derzahl / erkleren.

## Der erste grund.

E ij

Vns